

չայ նուաճեալ զլեռնական ապստամբս 'ի կողմանս Սամարիոյ , 'ի նմին աւուր եհաս յերուսաղէմ՝ և բանակեցաւ արտաքոյ քաղաքին , յաւուրս ծովապահութեան նոցին , եւ զգերեալսն արգել կապանօք 'ի բերդն : Գնացին առ նա յայցելութիւն ըստ սովորութեան Փոխանորդք և Թարգմանք երից ազգաց , և նորա սիրով ընկալեալ դարձոյց ըզնոսս 'ի տեղիս իւրեանց : Եւ զինի աւուրց ինչ կոչեաց առ ինքն զԱւետիս Թարգմանն Հայոց , և եղ առաջի նորա զառաջին սպառնալիս եւ զբարկութիւն Կուսակալին վասն չանսալոյ հրամանաց նորին , և այժմ քանդել եւ աւերել զգործս Ծննդեան և Ս . Աստուածածնի , Հայք կրեցին բազմադիմի տառապանս վասն այսր , զի 'ի գերեւ ելին յուսադրական բանք Փոխանորդին և Գլխաւորաց ազգին , զի բռնաւորն չունէր երբէք երկիւղ ինչ և կամ ակնառութիւն յումեքէ . նմին իրի երթային և գային առ նա միաբանք 'ի գիշերի և 'ի տունջեան , և զինի բազում աղաչանաց ետուն նմա և սակս հաշտութեան Բղեշխին և Քաղաքապետին դահեկանս 145,000 և հազիւ զերծան 'ի ձեռաց նորա : Մինչեւ ցատտ Ս . Յարութեան Ս . Աստուածածնի , և Բեթղէհէմի բովանդակ ծախուց դումարն եհաս 899,564 դահեկան միայն յերուսաղէմ , բաց 'ի ծախուց որք եղեն 'ի ձեռն Փոխանորդին Կոստանդինուպօլսոյ , այլ մեք թողեալ զայսոսիկ տեսցուք թէ զինչ գործեցին Լատինք 'ի Բեթղէհէմ :

Լատին կղերք ոչ երբէք յանձն առին դադարիլ 'ի խռովութենէ և յատելութենէ ընդդէմ Հայոց , արհամարեալ զպատուէր Դատաւորին աներկիւղ և համարձակ գործէին զամենայն ինչ , զի յետ մեկնելոյ փոխանակի Բղեշխին յերուսաղէմէ՝ յարուցին զայլ իմն խնդիր նոր 'ի Բեթղէհէմ . սկսան աւել ածել 'ի ճանապարհն որ 'ի մէջ եկեղեցւոյն : Հայք գնացին առ Դատաւորն , կոչեաց նաեւ զՅոյնս , այլ նոքա հրաժարեցան 'ի կռուոյ անտի . և ինքն յայնապէս ասէր ցրազմականս թէ՝ կամք Լատինաց ոչ միայն վասն աւելածութեան և ճանապարհին է , այլ վասն ամենայնի , զի եթէ այսօր հրաման տացուք աւելելոյ , վաղիւն ստիպեն բառնալ զկանթեղս , սակայն պատուէր ունիմ 'ի Կոստանդինուպօլսոյ ոչ եղծանել ինչ 'ի սահմանելոցն Մուվէլլա-